



備急千金要方卷第二十四 解毒并  
雜治

朝奉郎守太常少卿充秘閣校理判登聞檢院上護軍賜緋魚袋林億等校正

解毒食毒第一

解百藥毒第二

解五石毒第三

蠱毒第四

胡臭漏腋第五

脫肛第六

癭瘤第七

癩病第八 陰瘡  
妬精瘡附

解毒食毒第一 論一首  
方三十九首

金澤文庫

論曰凡人跋涉山川不諳水土人畜飲啖誤中於毒素不知方多遭其斃豈非枉橫也然而大聖又設其法以救養之正

爲食生嗜縛忽而不學一朝逢遇便自甘心竟不識其所以  
今述神農黃帝解毒方法好事者可少留意焉

治諸食中毒方

飲黃龍湯及犀角汁無不治也飲馬尿亦良

治食百物中毒方

掘廁傍地深一尺以水滿坑中取廁箒壽七枚燒令煙以投  
坑中乃取水汁飲四五升即愈急者不可得但掘地著水即  
取飲之

又方 含貝子一枚須臾吐食物差

又方 服生韭汁數升

治飲食中毒煩懣方

苦參三兩咬咀以酒二升半煮取一升頓服之取吐愈

治食六畜肉中毒方

各取六畜乾屎末水服之佳若是自死六畜肉毒水服黃蘗末方寸匕須臾復與佳

又方 燒小豆一升末服三方寸匕神良

又方 水服竈底黃土方寸匕

治食生肉中毒方

掘地深三尺取下土三升以水五升煮土五六沸取上清飲一升立愈

治食牛肉中毒方

狼牙灰水服方寸匕良

一作猪牙

又方 温湯服猪脂良

又方 水煮甘草汁飲之

治食牛馬肉中毒方

飲人乳汁良

治食馬肉血洞下欲死方

豉二百粒

杏仁二十枚

右二味咬咀蒸之五升米下飯熟擣之再服令盡

又方 蘆根汁飲以浴即解

治食狗肉不消心中堅或腹脹口乾大渴心急發熱狂言妄語或洞下方

杏仁一升合皮研以沸湯三升和絞取汁分三服狗肉皆完片出即靜良驗

治食猪肉中毒方

燒猪屎末服方寸匕犬屎亦佳

治食百獸肝中毒方

頓服猪脂一斤佳亦治陳肉毒

治生食馬肝毒殺人方

牡鼠屎二七枚兩頭尖者是以水研飲之不差更作

治食野菜馬肝肉諸脯肉毒方

取頭垢如棗核大吞之起死人

又方 燒狗屎灰水和絞取汁飲之立愈

又方 燒猪骨末之水服方寸匕日三服

治漏脯毒方 張文仲云茅室漏水沾脯為漏脯

擣韭汁服之良大豆汁亦得

治鬱肉濕脯毒方 張文仲去肉閉在密器中經宿者為鬱肉

燒狗屎末水服方寸匕凡生肉熟肉皆不用深藏密蓋不

泄氣皆殺人又肉汁在器中密蓋氣不泄者亦殺人

治脯在黍米中毒方

麴一兩以水一升鹽兩撮煮服之良

治中射罔脯毒方

末貝子水服如豆佳不差又服食餅臙中毒亦同用之  
人以雉肉作麩臙因食皆吐下治之方

服犀角末方寸匕得靜甚良

凡食鵝鴨肉成病背滿面赤不下食者治之方

服秫米泔良

治食魚中毒方

煮橘皮停極冷飲之立驗

肘後方云治食魚  
中毒面腫煩亂者

治食魚中毒面腫煩亂及食鱸魚中毒欲死者方

剉蘆根春取汁多飲良并治蟹毒亦可取蘆葦葶茸汁飲之愈

治食魚鱠及生肉住背膈中不化吐之不出便成癥瘕方

厚朴兩三 大黃兩二

右二味咬咀以酒二升煮取一升盡服立消人強者加大

黃用酒三升煮取二升再服之

治食魚鱠不消方

大黃三兩切

朴消二兩

右二味以酒二升煮取一升頓服之

仲景方有橘皮一兩後方云治食猪肉

遇冷不消必成癥下之方亦無橘皮

又方

春馬鞭草飲汁一升即消去也生薑亦良

肘後方云藥宜服諸吐

又方

鮐魚皮燒灰水服之無完皮壞刀裝取之一名鮫魚皮

古今

錄驗云治食鯪魚傷毒

又方

燒魚皮灰水服方寸匕

又方

燒魚鱗水服方寸匕食諸鮑魚中毒亦用之

治食蟹中毒方



冬瓜汁服二升亦可食冬瓜

治食諸菜中毒方

甘草

貝齒

胡粉

右三種各等分治下篩以水和服方寸匕小兒尿乳汁共服二升亦好

治食山中樹菌毒方

人屎汁服一升良

解百藥毒第二

論一首  
方十二首

解毒二十八條

論曰甘草解百藥毒此實如湯沃雪有同神妙有人中烏頭巴豆毒甘草入腹即定中藜蘆毒葱湯下咽便愈中野葛毒土漿飲訖即止如此之事其驗如反掌要使人皆知之然人皆不肯學誠可歎息方稱大豆汁解百藥毒余每試之大懸絕不及甘草又能加之為甘豆湯其驗尤奇有人服玉壺丸

治嘔不能已百藥與之不止藍汁入口即定如此之事皆須知之此則成規更不須試練也解毒方中條例極多若不指出一二學者不可卒知餘方例爾

百藥毒

甘草

薺芎

大小豆汁

藍汁及實汁根汁

石藥毒

白鴨屎 人參汁

雄黃毒

防已

礪石毒

大豆汁 白鵝膏

金銀毒

服水銀數兩即出 鴨血及屎汁

雞子汁及屎白燒猪脂和服水淋雞屎汁荻葱汁

鐵粉毒

礞石

防葵毒

葵根汁

桔梗毒

白粥

甘遂毒

大豆汁

芫花毒

防已

防風

甘草

桂汁

大戟毒

菖蒲汁

野葛毒

雞子清

葛根汁

甘草汁

鴨頭熱血

猪膏

雞屎

人屎

藜蘆毒

雄黃

煑葱汁

温湯

烏頭天雄附子毒

大豆汁

遠志

防風

棗肉

飴糖

射罔毒

藍汁

大小豆汁

竹瀝

大麻子汁

六畜血

貝齒屑

蚯蚓屎

藕芰汁

半夏毒

生薑汁及煑乾薑汁

躑躅毒

梔子汁

葭芎毒

薺芫

甘草

犀角

蟹汁

升麻

狼毒毒

杏仁

藍汁

白斂

鹽汁

木占斯

巴豆毒

煮黃連汁

大豆汁

生薑汁

肘後云小豆霍

菖蒲汁

煮寒水石汁

蜀椒毒

葵子汁

桂汁

豉汁

人尿

冷水

土漿

蒜

雞毛燒吸煙及水調服

雞子毒

淳醋

斑猫元青毒

猪膏

大豆汁

戎盐

藍汁

鹽湯煮猪膏

巴豆

馬刀毒

清水

杏人毒

藍子汁

野芋毒

土漿

人糞汁

諸菌毒

掘地作坑以水沃中攪之令濁澄清飲之名地漿

解一切毒藥發不問草石始覺惡即服此方

生麥門冬

葱白醃八

豉升二

右三味咬咀以水七升煮取二升半分三服

解諸毒雞腸草散方

雞腸草分三

薺苳

升麻各四分

芍藥

當歸

甘草各一分

藍子合

全土分一

右八味治下篩水服方寸匕多飲水為佳若為蜂蛇等眾毒蟲所螫以針刺螫上血出著藥如小豆許於瘡中令濕差為射罔箭所中削竹如釵股長一尺五寸以綿纏繞水沾令濕取藥內瘡中隨瘡深淺令至底止有好血出即休若服藥有毒水服方寸匕毒解痛止愈

解毒藥散方

薺苳分一

藍并花二分

右二味七月七日取藍陰干搗篩水和服方寸匕日三

又方 中毒者取秦鸞毛二十七枚燒灰服

解一切毒方

母猪尿水和服之又水三升三合和米粉飲之

解鳩毒及一切毒藥不止煩懣方

甘草

蜜各四

梁米粉升

右三味以水五升煮甘草取二升去滓歇大熱內粉湯中攪令勻調內白蜜更煎令熟如薄粥適寒温飲一升佳

治食茛菪悶亂如卒中風或似熱盛狂病服藥即劇方

飲甘草汁藍青汁即愈

治野葛毒以死口噤者方

取青竹去兩節柱兩脇臍上內冷水注之暖即易之須臾

口開開即服藥立活惟須數易水

治鉤吻毒困欲死面青口噤逆冷身痺方

肘後方云鉤吻菜黃食若相似而所生之傍無



他草又莖有毛  
候食之殺心

薺芫八兩呔咀以水六升煮取三升冷如人體服五合日三  
夜二凡煮薺芫惟令濃佳

又方 煮桂汁飲之

又方 斲葱涕葱涕治諸毒

治腹中有鐵方

白折炭刮取末并花水服三錢不過再服

服藥過劑悶亂者方

吞雞子黃 飲藍汁 水和胡粉 地漿

蘘荷汁 粳米瀋 豉汁 乾薑

黃連 飴糖 水和葛粉

解五石毒第三 論三首 方三十五首 證二十八條

論曰人不服石庶事不佳惡瘡疥癬温疫瘧疾年年常患

寢食不安興居常惡非止已事不康生子難育所以石在身  
中萬事休泰要不可服五石也人年三十已上可服石藥若  
素肥充亦勿妄服四十已上必須服之五十已上三年可服  
一劑六十已上二年可服一劑七十已上一年可服一劑  
又曰人年五十已上精華消歇服石猶得其力六十已上轉  
惡服石難得力所以常須服石令人手足溫暖骨髓充實能  
消生冷舉措輕便復耐寒暑不著諸病是以大須服凡石皆  
熟煉用之凡石之發當必惡寒頭痛心悶發作有時狀如溫  
瘧但有此兆無過取冷水淋之得寒乃止一切冷食惟酒須  
溫其諸解法備如後說其發背疽腫方在第二十二卷中  
又曰凡服石人甚不得雜食口味雖百品具陳終不用重食  
其肉諸雜既重必有相賊聚積不消遂動諸石如法持心將  
攝得所石藥為益善不可加余年三十八九嘗服五六兩乳

自是以來深深體悉至於將息節度頗識其性養生之士宜  
留意詳焉然其乳石必須土地清白光潤羅紋鳥翻一切皆  
成乃可入服其非土地者慎勿服之多皆殺人甚於鳩毒紫  
石白石極須外內映徹光淨皎然非此亦不可服寒石五石  
更生散方舊說此藥方上古名賢無此漢末有何侯者行用  
自皇甫士安已降有進餌者無不發背解體而取顛覆余自  
有識性已來親見朝野仕人遭者不一所以寧食野葛不服  
五石明其大大猛毒不可不慎也有識者遇此方即須焚之  
勿久留也今但錄主對以防先服者其方以從煙滅不復須  
存為含生害也

鍾乳對木又對栝樓其治主肺上通頭骨木動鍾乳骨塞短  
氣鍾乳動木頭痛目疼又鍾乳雖不對海蛤海蛤能動鍾乳  
鍾乳動則目疼短氣有時木動鍾乳直頭痛骨塞然鍾乳與

木為患不過此也雖所患不同其治一矣發動之始要有所由始覺體中有異與上患相應便速服此葱白豉湯方

葱白二升

豉二升

甘草

人參

各三兩外薑用吳茱萸二升

右四味咬咀先以水一斗五升煮葱白作湯澄取八升內藥煮取三升分三服纔服便使人按摩搖動口中嚼物然後仰卧覆以暖衣汗出去衣服湯熱歇即便冷濤飯燥脯而已若服此不解復服甘草湯方

甘草三兩

桂心二兩

豉二升

葱白二升

右四味合服如上法若服此已解肺家猶有客熱餘氣復服桂心湯方

桂心

麥門冬各三兩

人參

甘草二兩

葱白二升

豉二升

右六味合服如前法

此方與次後散發身躰生瘡麥門冬湯方用重分兩小異

流黃對防風又對細辛其治主脾腎通主腰脚防風動流黃  
煩熱脚疼腰痛或嘔忿無常或下利不禁防風細辛能動流  
黃而流黃不能動彼始覺發便服杜仲湯方

杜仲兩三

枳實

甘草

李核人酪三

梔子人枚十四

香豉斤

右六味合服如上法若不解復服大麥奴湯方

大麥奴兩四

甘草

人參

芒消

桂心酪三

麥門冬斤

右六味合服如上法若服此已解脾腎猶有餘熱氣或冷

復服人參湯方

人參

乾薑

甘草

當歸酪二

附子枚一

右五味合服如上法

白石英對附子其治主胃通主脾腎附子動白石英煩熱腹

脹白石英動附子嘔逆不得食或口噤不開或言語難手脚疼痛如覺發宜服生麥門冬湯方

生麥門冬兩四

甘草

麻黃各二兩

豉升

右四味合服如上法不解更服大黃湯方

大黃兩三

豉升二

甘草兩二

梔子人枚三十

若煩加細辛五兩

右五味合服如上法頻頻服之得下便止不下服盡若熱勢未除視瞻高而患渴復服栝樓根湯方

栝樓根

大麥奴各四兩

甘草兩二

葱白升二

豉升二

右五味合服如上法稍稍一兩合服之隱約得一升許便可食少糜動口若已解胃中有餘熱復服芒消湯方

芒消

桂心各二兩

通草

甘草各三兩

白朮兩一

李核人二十枚

大棗二十枚

右七味合服如上法若腹脹去芒消用人參二兩

紫石英對人參其治主心肝通主腰脚人參動紫石英外臺

詳人參動紫石心急而痛或驚悸不得眠卧恍惚忘誤失性發狂昏

昏欲眠或憤憤喜嘔或差或劇乍寒乍熱或耳龍耳目闇又

防風雖不對紫石英紫石英猶動防風巢源外臺云防風雖不對紫石英而能動紫石英為

藥中亦有人參緣防風動人參轉相發動令人亦心痛煩熱頭項強始覺服此人參湯方外臺服

人參

白朮各三

甘草外臺無

桂心各二

細辛兩一

豉升三

右六味合服如上法若嘔盛加大黃黃芩梔子各三兩若

忘誤狂發猶未除服麥門冬湯方外臺此方治與石發

生麥門冬斤半

甘草兩三

人參兩一

豉升二

葱白斤半

右五味合服如上法温牀暖覆牀下著火口中嚼物使徧身汗一日便解若有餘熱氣更服人參湯方

人參

防風

甘草

各三兩

桂心

二兩

生薑

白木酪一

右六味合服如上法

赤石脂對桔梗其治主心通至背背枯梗動石脂心痛寒噤手脚逆冷心中煩悶赤石脂動桔梗頭痛目赤身體壯熱始覺發宜温清酒飲之隨能否須酒勢行則解亦可服大麥麩方大麥熬令汗出燥止勿令大焦春去皮細擣絹篩以冷水

和服之

千金翼云炒去皮淨淘蒸令熟暴乾熬令香乃未之

礬石無所偏對其治主胃發則令人心急口噤骨節疼強或節節生瘡始覺發即服葱白豉湯方

外臺云服麥門冬湯

葱白半

豉二

甘草

二兩



右三味以水六升煮取二升半分三服

若散發身體卒生瘡宜服生麥門冬湯方

生麥門冬五兩

甘草兩三

桂心兩二

人參一兩半

葱白一升

豉升二

右六味服如解鍾乳湯法

木對鍾乳木發則頭痛目疼或舉身壯熱解如鍾乳法

附子對白石英亦對赤石脂附子發則嘔逆手脚疼體強骨

節痛或項強面目滿腫發則飲酒服麩自愈若不愈與白石

英同解

人參對紫石英人參發則煩熱頭項強解與紫石英同

桔梗對赤石脂又對茯苓又對牡蠣桔梗發則頭痛目赤身

體壯熱解與赤石脂同茯苓發則壯熱煩悶宜服大黃黃芩

湯方

大黃 黃芩 梔子人酪三 豉升 葱白切

右五味咬咀以水六升煮取二升半分三服

牡蠣發則四肢壯熱心腹煩悶極渴解與赤石脂同乾薑無所  
偏對

海蛤對栝樓海蛤先發則手足煩熱栝樓先發則噤寒清涕  
出宜服栝樓根湯方

栝樓根 甘草酪二 大黃兩一 梔子人枚十四

右四味合服如解鍾乳法

石流黃發通身熱兼腰膝痛

白石英發先腹脹後發熱

紫石英發乍寒乍熱

赤石脂發心噤身熱頭目赤

礬石發遍身發熱兼口噤

牡蠣發頭痛而煩滿熱

海蛤發心中發熱

茯苓發直頭痛

桔梗發頭面熱

石流黃礬石桔梗牡蠣茯苓此五物發宜浴白石英亦可小浴其餘皆不宜浴礬石發宜用生熟湯茯苓發熱多攻頭即以冷水洗身漬之

浴法初熱先用暖水後用冷水浴時慎不可洗頭垂沐可以二三分灌之凡藥宜浴便得解即佳不差可餘治之

赤石脂紫石英發宜飲酒得酒即解凡藥發或有宜冷或有宜飲酒不可一槩也

又一法云寒食散發動者云草藥氣力易盡石性沈滯獨主胃中故令數發欲服之時以絹袋盛散一匕著四合酒中

塞其口一宿之後飲盡之其酒用多少將御節度自如舊法此則藥石之勢俱用石不住胃中何由而發事甚驗也治食宿飯陳臭肉及羹宿菜發者宜服梔子豉湯方

梔子三七枚

香豉三升

甘草三兩

右三味咬咀以水八升煎取三升分三服亦可加入參

葱白

失食發宜服葱白豉湯飲酒過醉發亦宜服葱白豉湯方

葱白升

豉升

乾薑五兩

甘草二兩

右四味咬咀以水七升煮取三升分三服服湯不解宜服

理中湯方

人參

甘草

白朮各三兩

乾薑二兩

右四味咬咀以水六升煮取三升半分三服

瞋怒太過發宜服人參湯方

人參

枳實

甘草

各九分

栝樓根

乾薑

白朮

各六分

右六味咬咀以水九升煮取三升分三服若短氣者稍稍

數飲

千金翼云主散發氣逆心腹絞痛不得氣息命在轉燭者

情色過多發宜服黃耆湯

方本闕

將冷太過發則多壯熱以冷水洗浴然後用生熟湯五六石

灌之已食少暖食飲少熱酒行步自勞

將熱太過發則多心悶時時食少冷食若夏月大熱之時散

發動多起於渴飲多所致水和少麩服之不差復作以差為度

若大小便秘塞不通或淋瀝溺血陰中疼痛此是熱氣所致

熨之即愈

熨法前以冷物熨少腹已又以熱物熨之又以冷物熨之

若小便數此亦是取冷所為暖將理自愈

若藥發下利者乾服豉即斷能多益佳

凡服散之後忽身體浮腫多是取冷過所致宜服檳榔湯方

檳榔三十枚擣碎以水八升煮取二升分再服千金翼云子擣作末下篩

咬咀其皮以湯七升煮取三升去滓內子末為再服

### 凡散發瘡腫方

蔓菁子熬

杏仁

黃連

胡粉各一兩

水銀二兩

右五味別擣蔓菁子杏仁如膏以猪脂合研令水銀滅以

塗上日三夜一

散發赤腫者當以膏摩之方

生地黄五兩

大黃兩

杏仁四枚

生商陸三兩

右四味切醋漬一宿猪膏一升煎商陸令黑去滓摩之日

三夜一

散發生細瘡方

黃連

芒消略五

右二味咬咀以水八升煮黃連取四升去滓內芒消令烊  
漬布取帖瘡上數數易之多少皆著之

散發瘡痛不可忍方

冷石三兩下篩粉瘡上日五六度即燥痛須臾定

治服散忽發動方

乾薑五兩咬咀以水五升煮取三升去滓內蜜一合和絞

頓服之不差重作

解散除熱鴨通湯方

白鴨通

五升沸湯二斗半淋之澄清取二斗汁

麻黃兩八

豉升三

冷石兩二

甘草兩五

石膏兩三

梔子人枚二十

右六味吐咀以鴨通汁煮六升去滓內豉三沸分服五合  
若覺躰冷小便快闊其間若熱猶盛小便赤促服之不限  
五合宜小勞之漸進食不可令食少但勿便多耳  
解散治盛熱實大小便赤方

升麻

大黃、黃連

甘草

黃蘗略三

芍藥兩六

白鴨通兩

黃芩兩四

梔子人枚十四

竹葉切

豉略一

右十一味吐咀以水三斗先煮鴨通竹葉取一斗二升去  
滓澄清取一斗內藥煮取三升分三服若上氣者加杏人  
五合腹滿加石膏三兩

下散法主藥發熱困方

千金翼云凡散數發熱無賴下去  
之又云諸丹及金石等同用之

黍米一升作糜以成煎猪脂一斤和之令調宿不食且空腹  
食之令飽晚當下藥神良不盡熱發更合服之



又方

肥猪肉伍

葱白

薤烙半

右三味治如食法合煮之宿不食頓服之令盡不盡明日更服

壓藥發動數數患熱困下之方

猪腎脂具不令中水以火炙之承取汁適寒温一服三合一日夜五六服多至五六升二日藥稍稍隨大便下出

又方

作肥猪肉臄一升調如常法平旦空肚頓服令盡少時腹中雷鳴鳴定藥下隨下以器盛取用水濤之得石不盡更作如前服之

蠱毒每第四論一首  
方二十首

論曰蠱毒千品種種不同或下鮮血或好卧闇室不欲光明

或心性反常乍嗔乍喜或四肢沈重百節酸疼如此種種狀  
白說不可盡亦有得之三年乃死急者一月或百日即死其  
死時皆於九孔中或於脇下肉中出去所以出門常須帶雄  
黃麝香神丹諸大辟惡藥則百蠱貓鬼狐狸老物精魅永不  
敢著人養生之家大須慮此俗亦有灸法初中蠱於心下捺  
便大炷灸一百壯并主猫鬼亦灸得愈又當足小指尖上灸  
三壯當有物出酒上得者有酒出飯上得者有飯出肉菜上  
得者有肉菜出即愈神驗皆於灸瘡上出

凡中蠱毒令人心腹絞切痛如有物嚙或吐下血皆如爛肉  
若不即治蝕人五藏盡乃死矣欲驗之法當令病人唾水沈  
者是蠱不沈者非蠱也

凡人患積年時復大便黑如漆或堅或薄或微赤者皆是蠱也  
凡人忽患下血以斷下方治更增劇者此是中蠱也

凡卒患血痢或赤或黑無有多少此皆是蟲毒鹿麕醫曾以斷  
痢藥處之此大非也

世有拙醫曾見患蟲脹者徧身腫滿四肢如故小便不甚澀以  
水病治之延日服水藥經五十餘日望得痊愈日復增加奄  
至隕歿如此者不一學者當細尋方意消息用之萬不失一  
醫方千卷不盡其理所以不可一一備述云耳

凡人中蠱有人行蠱毒以病人者若服藥知蠱主姓名當使  
呼喚將去若欲知蠱主姓名者以敗鼓皮燒作末以飲服方寸  
匕須臾自呼蠱主姓名可語令去則愈又有以蛇涎合作蠱  
藥著飲食中使人得瘕病此一種積年乃死療之各自有藥江  
南山間人有此不可不信之

太上五蠱丸治百蠱吐血傷中心腹結氣堅塞咽喉語聲不  
出短氣欲死飲食不下吐逆上氣去來無常狀如鬼祟身體

浮腫心悶煩疼寒戰夢與鬼交狐狸作魅卒得心痛上义冢脇痛如刀刺經年累歲著牀不起悉主之方

雄黃

椒目

巴豆

莽草

芫花

真朱

外臺用木香

鬼臼

礬石

藜蘆

各四分

斑猫

三十枚

蜈蚣

二枚

獺肝

一分

附子

五分

右十三味末之蜜和更擣二千杵丸如小豆先食飲服一丸餘密封勿泄藥氣十九為一劑如不中病後日增一丸以下劑為度當下虫蠱種種狀兒不可具述下後七日將息服一劑三十年百病盡除忌五辛

太一追命丸治百病若中惡氣心腹脹滿不得喘息心痛積聚臙脹疝瘦宿食不消吐逆嘔哕寒熱瘰癧蠱毒婦人產後餘疾方

蜈蚣

丹砂

附子

礬石

一作礬石

雄黃

藜蘆

鬼臼略一

巴豆二分

右八味末之蜜丸如麻子一服二丸日一服傷寒一二日服  
服一丸當汗出綿裹兩丸塞兩耳中下利服一丸一丸塞下部  
蟲毒服二丸在外膏和摩病上在膈上吐膈下刺有瘡一丸  
塗之毒自出產後餘疾服一丸耳聾綿裹塞耳  
治人得藥雜蠱方

斑猫六枚

桂心如指大

釜月下土如彈丸大

藜蘆如指大

右四味治下篩水服一錢匕下蟲蛇蝦蟇毒俱出  
治蠱注四肢浮腫肌膚消索欬逆腹大如水狀死後轉易家  
人一名蠱脹方小品名雄黃丸一名萬病丸

雄黃

巴豆

莽草

鬼臼略四

蜈蚣枚三

右五味末之蜜和擣三千杵密封勿泄氣勿宿食旦服  
如小豆一丸一炊不知更加一丸當先下清水次下蟲長

數寸及下蛇又下蝦雞子或白如膏下後作葱豉粥補之百種暖將息

治中蠱毒腹內堅如石面目青黃小便淋瀝病變無常處方

肘後古今錄驗方俱云用鐵精烏雞肝和丸如梧子以酒服三九日再甚者不過十日千金用後方疑千金悞

羖羊皮枋五

犀角

芍藥

黃連

牡丹酪一

梔子人七枚

藜蘆荷半四兩

右七味以水九升煮取三升分三服

葛氏崔氏同無芍藥牡丹梔子用苦

參升麻當歸

犀角丸治蠱毒百病腹暴痛飛尸惡氣腫方

犀角屑

羚羊角屑

鬼臼屑

桂心末

錢各四匕

天雄

莽草

真朱

雄黃

各一兩

貝子

五枚

蜈蚣

伍節

射罔

如雞子大一枚

巴豆

五十枚

麝香

二分

右十三味末之合搗蜜丸如小豆服一九日二含咽不知少  
增之卒得腹滿蜚尸服如大豆許二丸若惡氣腫以苦酒  
和塗之縫袋子盛藥繫左臂辟不祥鬼疰蠱毒可以備急  
治蠱毒方

茜根

蘘荷根

各三兩

右二味咬咀以水四升煮取二升頓服

肘後方云治中蠱吐血或下血皆如爛肝者自知

蠱主姓名

又方

榭樹北陰白皮

桃根皮

各五兩

蝟皮灰

亂髮灰

各一方

生麻子汁

五升

右五味先煮榭皮桃根取濃汁一升和麻子汁髮灰等令  
勻患人少食旦服大升一升須臾著盆水以雞翎搗吐水  
中如牛涎犢胎及諸蟲並出

治蠱毒方

槲樹北陰白皮一大握長五寸水三升煮取一升空腹服  
即吐蟲出亦治中蠱下血

又方 蝟皮灰水服方寸匕亦出蟲

又方

五月五日桃白皮必效方去以東引者火烘之

大戟各四分

班猫一分

右三味治下篩且空腹以水一雞子許服八捻用二指相著

如開頓服之若指頭相離取藥太多恐損人矣肘後方云服藥核大不差十日

更一服必效方云服半方寸匕其毒即出不出更一服李饒州云若以酒中得則以酒服以食中得以飲服之

蛇毒入菜果中食之令人得病名曰蛇蠱方

大豆末以酒漬絞取汁服半升

治諸熱毒或蠱毒鼻中及口中吐血醫曹所不治方



取人屎尖七枚燒作火色置水中研之頓服即愈亦解百毒時氣熱病之毒服已溫覆取汗勿輕此方極神驗

治蠱吐下血方

檳皮廣五寸長一尺

蘆荻根

五寸如足大指小品方用蘆荻根

右二味咬咀以水二升煮取一升頓服極下蠱

治中蠱下血日數十行方

巴豆枚二十七

藜蘆

元青

附子

礬石各二分

右五味末之別治巴豆合篩和相得以綿裹藥如大豆內

下部中日三差

又方

苦瓠一枚以水二升煮取一升稍稍服之當下蠱及吐蝦

蟣蛸斗之狀一月後乃盡

范汪方云苦瓠毒當臨時量用肘後方云用苦酒一升煮

治下血狀如雞肝腹中攪痛難忍者方

茜根

升麻

犀角各三兩

桔梗

黃蘗

黃芩

各二兩

地榆

白蘘荷

各四兩

若八味咬咀以水九升煮取二升半分三服此蠱利血用之

又方

桔梗

犀角

右二味各等分為末酒服方寸匕日三不能自服絞口與之藥下心中當煩須臾自靜有頃下服至七日止可食猪脾藏自補養治蠱下血如雞肝日夜不解欲死者皆可用之治腸蠱先下赤後下黃白沫連年不差方

牛膝一兩搥碎切之以淳清酒一升漬一宿旦空腹服之再服便愈

北地太守酒主萬病蠱毒風氣寒熱方

烏頭

甘草

芎藭

黃芩

桂心

藜蘆

附子各四兩

白斂

桔梗

半夏

柏子人

前胡

麥門冬各六兩

右十三味七月麴十斤秫米一斛如醞酒法咬咀藥以絹袋盛之沈於瓮底酒熟去糟還取藥滓青布袋盛之沈著酒底泥頭秋七日夏五日冬十日空肚服一合日三以知為度藥有毒故以青布盛之服勿中止二十日大有病出其狀如漆五十日病悉愈有婦人年五十被病連年腹中積聚冷熱不調時時切痛遶臍絞急上氣背滿二十餘年服藥二七日所下三四升即愈又有女人病偏枯絕產服二十日吐黑物大如刀帶長三尺許即愈其年生子又有女人小得癩病服十八日出血二升半愈有人被杖崩血內瘀卧著九年服藥十三日出黑血二三升愈有人耳聾十七年服藥三十五日鼻中出血三升耳中出黃水五升便愈

右方去熹平二年北地太守臣光上然此偏主蠱毒有人  
中蠱毒者服無不愈極難差不過二七日所有效莫不備  
出曾有一女人年四十餘偏枯羸瘦不能起長卧牀枕耳聾  
一無所聞兩手不收已經三年余為合之遂得平復如舊有  
人中蠱毒而先患風服茵芋酒傷多吐出蠱數十枚遂愈  
何況此酒而不下蠱也嘉其功效有異常方故具述焉

胡臭漏腋第五

論一首  
方十五首

論曰有天生胡臭有為人所染臭者天生臭者難治為人所  
染者易治然須三年醋傳礬石散勿止并服五香丸乃可得  
差勿言一度傳藥即差止可傳藥時暫得一差耳五香丸在  
第六卷中凡胡臭人通忌食共臺五辛治之終身不差  
治胡臭方

辛夷

芎藭

細辛

杜蘅

藁本

各二分

右五味以酒漬之一宿煎取汁傳之欲傳取臨  
卧時以差為度

石灰散主胡臭方

石灰升

青木香

楓香

一作沈香

薰陸香

丁香

各二兩

橘皮

陽起石

各三兩

礬石

四兩

右八味治下篩以綿作篆子分麈如指長四寸展取藥使著  
篆上以絹袋盛著腋下先以布措令痛然後夾之

又方

青木香

附子

白灰

酪一

礬石

兩半

右四味為散著粉中常粉之

射後無礬石

又方

赤銅屑以酢和銀器中炒極熱以布裏熨腋下冷復易

又方

柵葉切三升以水五升煮取一升用洗腋下即以白苦瓠  
燒令煙出熏之數數作

又方

辛夷

細辛

芎藭

青木香

各四分

右四味治下篩熏竟粉之

又方

馬齒菜一束檮碎以蜜和作團以絹袋盛之以泥紙裹厚  
半寸暴干以火燒熟破取更以少許蜜和使熱勿令冷先  
以生布指之夾藥腋下藥痛久忍之不能然後以手中  
勒兩臂

又方

牛脂

胡粉

各等分

右二味煎令可丸塗腋下宿即愈不過三劑

肘後方去合椒以塗

又方 伏龍肝作泥傳之

又方 三年苦酢和石灰傳之

治漏腋腋下及足心手掌陰下股裏常如汗濕臭者六物傳方

乾枸杞根

乾薔薇根時後作畜根

甘草各半兩

商陸根

胡粉

滑石略

右件藥治下篩以苦酒少少和塗當微汁出易衣復更塗之不過三著便愈或一歲復發發復塗之

又方

水銀

胡粉外臺作粉霜

右二味以面脂研和塗之大良驗

又方

銀屑一升一作銅屑

石灰外三

右二味合和絹囊盛汗出粉之妙

又方 正旦以尿洗腋下神妙

又方

黃礬石燒令汁尺治末絹袋盛粉之即差

脫肛第六 方十三首  
灸法三首

肛門主肺肺熱應肛門熱則閉塞大行不通腫縮生瘡兌通方

白蜜三升煎令燥冷水中調可得為丸長六七寸許內肛

門中到身向上頭面下少時取炷斯須即通洞泄

肛門主大腸大腸寒應肛門寒則洞瀉肛門滯出猪肝散方

猪肝 一斤熬  
令燥

黃連

阿膠

芎藭 各二兩

烏梅肉 五兩

艾葉 一兩

右六味治下篩温清酒一升服方寸匕半日再若不能酒

與清白米飲亦得

治肛門滯出壁土散方



故屋東壁土一升

皂莢三挺各長一尺二寸

右二味擣土為散挹粉肛頭出處取皂莢炙暖更遞熨取入則止

又方 炙故麻履底按令入頻按令入永差  
又方

故敗麻履底

敝龜頭各一枚

右二味燒斃頭擣為散傳肛門滯出頭將履底按入即不出矣

治肛出方

磁石兩四

桂心尺

蝟皮枚

右三味治下篩飲服方寸匕日一服即縮慎舉重及急帶衣斷房室周年乃佳肘後方去治女人陰脫出外用斃頭一枚為四味

又方 女萎一升以器中燒坐上熏之即入

治脫肛方

蒲黃二兩以猪脂和傅肛上內之二三愈

治腸隨肛出轉廣不可入方

生栝樓根取粉以猪脂為膏溫塗隨手抑按自得縮入

治積冷利脫肛方

枳實一枚石上磨令滑澤鑽安柄蜜塗炙令煖熨之冷更

易之取縮入止

又方 鐵精粉內上按令入即愈

治脫肛歷年不愈方

生鐵三斤以水一斗煮取五升出鐵以汁洗日再

又方

用死鼈頭一枚燒令煙縮治作屑以傅肛門上進以手按之

病寒冷脫肛出灸臍中隨年壯

脫肛歷年不愈灸橫骨百壯

又灸龜尾七壯龜尾即後窮骨是也

癭瘤第七方十三首 灸法十一首 證一條

治石癭氣癭勞癭土癭直癭等方

海藻 龍膽 海蛤 通草 昆布

礬石一作礬石 松蘿各三分 麥麩四分 半夏二分

右九味治下篩酒服方寸匕日三禁食魚猪肉五辛生菜

諸難消之物十日知二十日愈

五癭丸方

取鹿靨以佳酒浸令沒炙乾內酒中更炙令香含咽汁味

盡更易盡十且愈

又方

小麥麩并 特生礬石十兩 海藻兩一

右三味以三年米醋漬小麥麩暴乾各搗為散合和服一  
方寸匕日四五服藥含極乃咽之禁薑五辛猪魚生菜大  
吹大讀誦大叫語等

又方

昆布

松蘿

海藻

各三兩

桂心

海蛤

通草

白斂

各二兩

右七味治下篩酒服方寸匕日三

又方

海藻

海蛤

各三兩

昆布

半夏

細辛

土瓜根

松蘿

各一兩

通草

白斂

龍膽

各二兩

右十味治下篩酒服方寸匕日再不得作重用力

又方

昆布二兩洗切如指大醋漬含咽汁盡愈

又方

海藻

一斤小  
品三兩

小麥麩升一

右二味以三年醋一升搜麩末暴乾往反醋盡合搗為散

酒服方寸匕日三忌努力

崔氏云瘰癧三  
十年瘰癧

又方

昌蒲

兩二

海蛤

白斂

續斷

海藻

松蘿

桂心

蜀椒

半夏

到掛草

各一兩

神麩

兩三

羊鬻

百枚

右十二味治下篩以羊牛髓脂為丸如梧子日服三丸

瘰上氣短氣灸肺輸百壯

瘰上氣背滿灸雲門五十壯

瘰惡氣灸天府五十壯

千金翼云又  
灸背堂百壯

瘰勞氣灸衝陽隨年壯

癭灸天瞿三百壯橫三間寸灸之

癭氣面腫灸通天五十壯

癭灸中封隨年壯在兩足趺上曲尺宛宛中

諸癭灸肩髃左右相對宛宛處男左十八壯右十七壯女右

十八壯左十七壯或再三取差止

又灸風池百壯俠項兩邊

又灸兩耳後髮際一百壯

又灸頭衝一作頸衝頭衝在伸兩手直向前令臂著頭對臍所注

處灸之各隨年壯千金翼去一名臂臑

凡肉瘤勿治治則殺人慎之肘後方去不得針灸

陷腫散治二三十年癭瘤及骨瘤脂瘤石瘤肉瘤膿瘤血瘤

或息肉大如杯杆升斗十年不差致有漏潰令人骨消肉盡

或堅或軟或潰令人驚悸寤寐不安身體瘦縮愈而復發方

烏賊骨 石流黃各一分 白石英 紫石英

鍾乳各二分 丹參各三分 琥珀 附子

胡鷲屎 大黃 乾薑各四分

右十一味治下篩以韋囊盛勿泄氣若瘡濕即傳若瘡乾猪脂和傳日三四以乾為度若汁不盡者至五劑十劑止藥令人不痛若不消加芒消二兩佳

治癭瘤方

海藻 乾薑各二兩 昆布 桂心

逆流水柳鬚各一兩 羊靨七枚陰乾

右六味末之蜜丸如小彈子大含一九咽津

又方

礬石 芎藭 當歸 大黃 黃連

芍藥 白斂 黃芩各二分 吳茱萸一分

右九味治下篩雞子黃和之塗細故布上隨瘤大小厚薄  
帖之乾則易著藥熟常作膿脂細細從孔中出也探却膿  
血盡罌者生肉膏若膿不盡復起如故  
生肉膏主癰瘤潰漏及金瘡百瘡方

當歸

附子

甘草

白芷

芎藭

略一兩薤白

兩生地黄

兩

又方  
右七味咬咀以猪脂三升半煎白芷黃去滓稍以傳之日三

以狗屎煨雞子傳之去膿水如前方說傳生肉膏取差方  
在第二十二卷

陰癩第八

論二首  
灸法十八首

方二十七首

論曰癩有四種有腸癩卵脹氣癩水癩腸癩卵脹難差氣  
癩水癩針灸易治



治癩丸方

桃人五十枚

桂心

澤瀉

蒺藜子

地膚子

防風

防葵

橘皮

茯苓

五味子

芍藥略二

細辛

牡丹皮

海藻略一

狐陰具一

蜘蛛五十枚

右十六味末之蜜和服十九如梧子稍稍加至三十九

又方

取楊柳枝脚指大長三尺二十枚水煮令極熱以故布及氈掩腫處取熱柳枝更互柱之如此取差

治癩疔外偏大氣上上一作脹不能動方

牡丹皮

防風略三

右二味治下篩酒服方寸匕日三射後方云小品方用桂心豉鐵

十日愈嬰兒以乳汁和大豆許與之

治卒癩以蒲橫度口如廣折之一倍增之布著少腹大橫文  
令度中央上當臍勿使偏僻灸度頭及中央合二處隨年壯  
好自養勿舉重大語怒言大笑又牽陰頭正上灸莖頭所極  
又牽下向穀道又灸所極又牽向左右髀直行灸莖所極各  
隨年壯又灸足厥陰在左灸右在右灸左三壯在足大指本  
節間

邪偏大上入腹灸三陰交在內踝上八寸隨年壯

邪偏大癩病灸肩井在肩解臂接處隨年壯

男癩灸手季指端七壯病在右可灸左左者灸右

男陰邪偏大癩病灸關元百壯

男陰邪大癩病灸玉泉百壯報之穴在屈骨下陰以其處卑

多不灸之及泉陰穴亦在其外

男陰邪偏大癩病灸泉陰百壯三報在橫骨邊

癩病陰卒腫者令並足合兩拇指令爪相並以一艾灸兩爪端方角

處一九令頓上兩爪角各令半九上爪指佳七壯愈

男陰外大癩病灸足太陽五十壯三報之

又灸足太陰五十壯在內踝上一夫

男陰外大癩病灸大敦在足大指三毛中隨年壯

又灸足大指內側去端一寸赤白肉際隨年壯雙灸之

又灸橫骨兩邊二七壯俠莖是

陰癩灸足大指下理中十壯隨腫邊灸之

肘後方云灸足大指第二節下橫文正中央五

壯姚氏云灸大指本三壯

男兒癩先將兒至碓頭祝之曰坐汝令兒某甲陰囊癩故灸

汝三七二十一枚灸訖便牽小兒令雀頭下向著囊縫當陰

頭灸縫上七壯即消已驗艾炷獨簪頭許

大凡男癩當騎碓軸以莖伸置軸上齊陰莖頭前灸軸木上

隨年壯

論曰有人自少至長陰下常有乾癬者宜依癬方主之有五  
勞七傷而得陰下癢濕搔之黃汁出者宜用補丸散主之仍  
須傳藥治之亦有患妬精瘡者以妬精方治之夫妬精瘡者  
男子在陰頭節下婦人在玉門內並似甘瘡作白齋食之大痛  
甘即不痛也

凡虛熱石熱當路門冷濕傷肌熱聚在裏變成熱及水病腫  
滿腹大氣急大小便不利腫如皮紙盛沓光晃如老蠶色陰莖  
堅腫為瘡水出此皆腎熱虛損強取風陰濕傷脾胃故也治  
之法內宜依方服諸利小便藥外以此蒺藜子湯洗四肢竟  
以葱白膏傳之別以猪蹄湯洗莖上蒺藜子湯方

蒺藜子

赤小豆格一

菘菜子升

巴豆一枚合皮殼

葱心青皮升

蒴藿升五

右六味咬咀以水二斗煮取八升以淋洗腫處  
猪蹄湯治服石發熱因勞損熱盛當風露卧莖腫方

猪蹄雙一

莖藤子合五

蒺藜子碎一升

黃蘗兩五

蒴藿升三

右五味咬咀以水一斗煮取三升冷浴陰莖日三

葱白膏方

葱白

菘菜子

莖藤子

蒴藿根

丹參

蒺藜子各半

猪膏斤五

右七味咬咀煎如煎膏法去滓用之

治男子陰腫大如升斗核痛人所不能療者方

雄黃兩一

礬石兩二

甘草尺一

右三味以水五升煮減半洗之集驗方無礬石二味

治陰腫皮癢方

熬桃人令香為末酒服方寸匕日三

有人陰冷漸漸冷氣入陰囊腫滿恐死日夜疼悶即外臺作夜

不得眠方

取生椒擇之令淨以布帛裹著丸囊令厚半寸須臾熱氣  
通日再易之取消差止

又方 擣莧菜根傅之

又方

煮大薊根汁服一升日三不過三劑愈

又方 醋和熱灰熨之

又方 釜月下土雞子白和傅之

又方 醋和麪熨之

又方 末車前子飲服之

陰腫痛灸大敦三壯

治卒陰痛如刺汗出如雨方

小蒜

韭根

楊柳根格一

右三味合燒以酒灌之及熱以氣蒸之即愈

治陰痛方

甘草

石蜜

右二味等分爲末和乳塗之

治妬精瘡方

用銀釵綿裏以臘月猪脂熏黃火上煖以釵烙瘡上令熟  
取乾槐枝燒滿塗之

又方

麝香

黃礬

青礬

右三味等分爲末小便後傳上不過三度

治陰蝕瘡方

蒲黃升一

水銀兩二

右二味研之令成粉傅之即愈差止小便後即傅之

又方

以肥猪肉五斤水三斗煮肉令極爛去肉以湯令極熱便以漬瘡中冷即愈

又方

狼牙兩把切以水五升煮取一升温洗之日五度

治陰蝕生瘡或癢方

雄黃

礬石各二分

麝香半

右三味治下篩為粉粉瘡上即差

治陰惡瘡方

蜜煎甘草末塗之

葛氏云此見有人患莖頭腫坎下瘡欲斷者以猪肉湯漬洗之并用黃蘗黃連末塗之

治男女陰瘡方



石流黃末以傅瘡上

治男女陰癢生瘡方

嚼胡麻傳之佳

治陰下生瘡洗湯方

地榆

黃蘗各八兩

右二味咬咀以水一斗五升煮取六升去滓適冷暖用洗瘡日再只煮黃蘗汁洗之亦佳

備急千金要方卷第二十四

備急千金要方卷第二十五 備急

朝奉郎守太常少卿充秘閣校理判登聞檢院護軍賜緋魚袋臣林億等校正

卒死第一 魘 中惡 自縊 醉酒附 喝

蛇毒第二 虎 蝮 水毒 蜂 蠅 射工 沙虱 猫鬼 馬咬 狗毒附

被打第三 從高墮下 惡刺 著漆附 竹木刺

火瘡第四 灸 金瘡 毒矢附

卒死第一 灸法十四首

卒死無脉無他形候陰陽俱竭故也治之方

牽牛臨鼻上二百息牛舐必差牛不肯舐著監汁塗面上即牛肯舐

又方

牛馬矢絞取汁飲之無新者水和乾者亦得耐後方

以人溺解之 此扁鵲法

又方 灸熨斗熨兩脇下 備急方云 又治尸厥

卒死針間使各百餘息

又灸臍下人中一名鬼客廳 肘後方云 又治尸厥

治魘死不自覺者方

慎燈火勿令人手動牽牛臨其上即覺若卒不能語  
取東門上雞頭末之以酒服

治卒魘死方

擣韭汁灌鼻孔中劇者灌兩耳 張仲景云 灌口中

治鬼魘不悟方

末伏龍肝吹鼻中

又方

末皂莢如大豆許吹鼻中嚏則氣通起死人 集驗方云 治中惡

辟魘鬼方

雄黃如棗大係左腋下令人終身不魘張文仲云男左女右

魘灸兩足大指叢毛中各二七壯肘後方云華佗法又救卒死中惡

治中惡方

葱心黃刺鼻孔中血出愈肘後方去入七八寸無苦使目中血出佳崔氏云男左女右

又方 大豆二七粒末雞子黃并酒相和頓服

又方 使人尿其面上愈肘後方去此扁鵲法

治中惡并蠱毒方

冷水和伏龍肝如雞子大服之必吐

又方 温二升猪肪頓服之

又方 車軋脂如雞子大酒服之

中惡灸胃管五十壯愈

治卒忤方此病即今人所謂中惡者與卒死鬼擊亦相類為治皆參取而用之

鹽八合以水三升煮取一升半分二服得吐即愈備急

方治 鬼擊 若小便不通筆頭七枚燒作灰末水和服之

即通

又方

犢子屎半盞酒三升煮服之亦治霍亂時後方去治鬼擊大牛亦可用

又方

臘月野狐腸燒末以水服方寸匕死鼠灰亦佳

又方

書墨末之水服一錢匕

卒忤死灸手十指爪下各三壯餘治同上方

備急方去治卒死而張目反折者

又灸人中三壯又灸肩井百壯又灸間使七壯又灸巨闕百

壯還魂湯主卒感忤鬼擊飛尸諸奄忽氣絕無復覺或已死

絞口噤不開去齒下湯湯入口不下者分病人髮左右捉踏

肩引之藥下復增取盡一升須臾立蘇方

麻黃兩三

桂心兩二

甘草兩一

杏仁

粒七十

右四味呔咀以水八升煮取三升分三服肘後方云張仲景方无挂心用三味  
卒中鬼擊及刀兵所傷血漏腹中不出煩滿欲絕方

雄黃粉酒服一斗圭日三血化為水

鬼擊之病得之無漸卒著人如刀刺狀曾脇腹內絞急切痛不可抑按或即吐血或鼻口血出或下血一名鬼排治之方

雞屎白如棗大

青花麻把一

右二味以酒七升煮取三升熱服須更發汗若不汗熨斗盛火灸兩脇下使熱汗出愈

又方

艾如雞子大三枚以水五升煮取一升頓服之

又方 吹酢少許鼻中

鬼擊灸人中一壯立愈不差更灸

又灸臍上一寸七壯及兩踵白肉際取差又灸臍下一寸

三壯

夫五絕者一曰自縊二曰墻壁壓迫三曰溺水四曰魘寐五曰產乳絕悉治之方

取半夏一兩細下篩吹一大豆許內鼻中即活心下溫者一日亦可治

治自縊死方

凡救自縊死者極須按定其心勿截繩徐徐抱解之心下尚溫者以氈能覆口鼻兩人吹其兩耳

又方

強卧以物塞兩耳竹筒內口中使兩人痛吹之塞口傍無令氣得出半日死人即噫噫即勿吹也

又方

擣皂莢細辛屑如胡豆大吹兩鼻中

又方

藍青汁灌之

又方 刺雞冠血出滴著口中即活男雌女雄

又方

雞屎白如棗大酒半盞和灌口及鼻中佳

又方 葱葉吹皂莢末兩鼻中逆出更吹

又方

梁上塵如大豆各內一小竹筒中四人各捉一箇同時吹兩耳兩鼻即活

又方

雞血塗喉下

又方

尿鼻口眼耳中并捉頭髮一撮如筆管大掣之立活  
自縊死灸四肢大節陷大指本文名曰地神各七壯

治熱暈方

取道上熱塵土以壅心上少冷即易氣通止



又方

仰卧喝人以熱土壅臍上令人尿之臍中温即愈

又方

可飲熱湯亦可内少乾薑橘皮甘草煮飲之稍稍咽

勿頓使飽但以熱土及熬灰土壅臍上佳

又方

濃者煮芡取汁三升飲之即愈不差更灌

又方

地黄汁一盞服之

又方

水半升和麪一大抄服之

又方

張死人口令通以煖湯徐徐灌口中小卒死人頭令

湯入腹須臾即蘇

又方

灌地將一盞即愈

又方

使人噓其心令煖易人爲之

又方 抱狗子若雞著心上尉火之

又方 屋上南畔瓦熱尉心冷易之

治落水死方

以甕中灰布地令厚五寸以甕側著灰上令死人伏於甕上使頭小垂下抄鹽二方寸匕內竹管中吹下孔中即當吐水水下因去甕下死人著灰中壅身使出鼻口即活

又方

掘地作坑熬數斛灰內坑中下死人覆灰濕徹即易之勿令大熱搏人灰冷更易半日即活

又方

取大甕傾之死人伏其上令死人口臨甕口然葦火二七把燒甕中當死人心下令煙出小入死人鼻口

中臍口中水出盡則活火盡復益之常以手候死人  
身及甌勿令甚熱當火氣能使死人心下足得暖卒  
無甌者於岸側削地如甌空下如竈燒令煖以死人  
著上亦可用車轂爲之勿令隱其腹令死人低頭水  
得出并炒灰數斛令暖以粉身濕更易溫者  
但埋死人煖灰中頭足俱沒惟開七孔

又方

倒懸死人以好酒灌臍中又灌下部又酢灌臍亦得  
綿裹皂莢內下部中須臾水出

又方

裹石灰內下部中水出盡則活

又方

倒懸解去衣去臍中垢極吹兩耳起乃止

又方

熬沙覆死人面上下有沙但出臍口耳沙冷濕即易

又方

竈中灰二石埋死人從頭至足出七孔即可

又方

又方

屈兩脚著生人兩肩上死人背向生人背即負持走  
行吐出水便活

落水死解死人衣灸臍中凡落水經一宿猶可活  
治冬月落水凍四肢直口噤尚有微氣者方

以大器中熬灰使煖盛以囊薄其心上冷即易心煖  
氣通目得轉口乃開可溫尿粥稍稍吞之即活若不  
先溫其心便持火灸身冷氣與火爭即死

治凍爛瘡方

猪後懸蹄以夜半時燒之研細篩以猪脂和傅亦治  
小兒

治入水手足腫痛方

生胡麻擣薄之

治酒醉中酒恐爛五藏方

以湯著槽中漬之冷復易夏亦用湯

又法

凡醉不得安卧不動必須使人搖轉不住特忌當風  
席地及水洗飲水交接

又方 擣茆根汁飲一二升

治飲酒頭痛方

竹筍五兩以水八升煮取五升去滓令冷內破雞子  
五枚攪勻更煮二沸飲二升使盡差

治飲酒腹滿不消方

煮監湯以竹筒灌大孔中

治飲酒中毒方

煮大豆三沸飲汁三升

又方 酒漬乾椹汁服之

治病酒方

鼓

葱白各一

右二味以水四升煮取二升頓服之

治飲酒房勞虛受熱積日不食四月中熱飲酒不已酒入百脉心氣虛令人錯謬失常方

芍藥

栝樓根

人參

白薇

枳實

知母各二兩

甘草一兩

生地黃八兩

酸棗人半

茯神三兩外臺作茯苓

右十味咬咀以水一斗煮取三升分為三服

治連月飲酒咽喉爛舌上生瘡方

大麻人半

黃芩二兩用後黃藥

右二味末之蜜和丸含之千金翼用黃藥二兩

治酒醉不醒方

葛根汁一斗二升飲之取醒止後方去治大醉  
日煩毒不堪

飲酒令人不醉方

柏子人

麻子人酪二

右二味治下篩為一服進酒三倍

又方

葛花

小豆花

各等分

右二味合為末服三方寸匕飲時仍進葛根汁芹汁及枇杷葉飲竝能倍酒

又方 九月九日菊花末臨飲服方寸匕

又方 小豆花葉陰乾百日末服之

又方 五月五日取井中倒生草枝陰乾末酒服之

飲酒令無酒氣方

乾葛菁根二七枚三徧蒸末兩分酒後水服之

治惡酒健噴方

空井中倒生草燒灰服之勿令知

又方 取其人牀上塵和酒飲之

斷酒方

酒七升著餅中熟朱砂半兩著酒中急塞餅口安著猪圈中任猪搖動經十日取酒服飲盡

又方

臈月鼠頭灰 柳花

右二味等分爲末黃昏時酒服一盃

又方 正月一日酒五升淋碓頭擣一下取飲之

又方

故氈中菜耳子七枚燒作灰黃昏時煖一盃酒呪言



與病狂人飲也勿令知之後不喜飲酒也

又方白猪乳汁一升飲之永不飲酒

又方刮馬汗和酒與飲終身不飲

又方虎屎中骨燒末和酒與飲

又方鸕鷀屎灰水服方寸匕永斷

又方取毛鷹二過吐毛水煮去毛頓服

又方故紡車絃燒灰和酒與服

又方驢駒衣燒灰酒飲方寸匕

又方自死蟻螯乾擣末和酒與飲永世聞酒名即嘔神驗

又方酒客吐中肉七枚陰乾燒末服之

又方酒漬汗靴替一宿旦空腹與即吐不喜見酒

又方白狗乳汁酒服之

又方臈月馬腦和酒服之

蛇毒第二 論六首 灸法二首 方一百三十三首

治因熱逐涼睡熟有蛇入口中挽不出方

以刀破蛇尾内生椒三兩枚裏著須臾即出 肘後方云艾灸

蛇尾即出若無火以刀周匝割蛇尾截令皮斷乃捋皮倒脫即出

治蛇入人口并七孔中者方

割母猪尾頭瀝血著口中即出

又方

以患人手中指等截三歲大猪尾以罌盛血傍蛇寫血口中拔出之

治卒為蛇繞不解方

以熱湯淋之無湯令人尿之

治蛇蠍螫方

服小蒜汁滓薄上 肘後方云治蝮蛇螫

又方 熟擣葵取汁服之

治蛇咬方

人屎厚塗帛裏即消

治蛇毒方

消蠟注瘡上不差更消注之

又方

以母猪耳中垢傅之

肘後方云牛耳中垢亦宜用

治蝮蛇毒方

令婦人尿瘡上

又方

令婦人騎度三過又令坐上

又方

末薑薄之乾復易

又方

以射罔塗腫上血出即愈

又方

生麻楮葉合擣以水絞去滓漬之

治衆蛇毒方

雄黃

乾薑絡等

右二味為末和射罔著竹筒中帶行有急用之

又方 雄黃末傅瘡上日一

又方 用銅青傅瘡上

又方 擣大蒜和胡粉傅之

又方 雞屎二七枚燒作灰投酒服之

又方

以麩圍上令童男尿著中燒鐵令赤投中冷復燒著

二三次差

又方 口嚼大豆葉塗之良

又方 猪脂和鹿角灰塗之

又方 鹽四兩水一斗煮十沸沸定以湯浸冷易之

又方 擣紫莧取汁飲一升以滓封瘡以少水灌之

又方 梳中垢如指大長一寸尿和傳之

又方 炙梳汗出熨之

又方 取合口椒葫荑苗等分擣傳之無不差

又方 男子陰間毛二七枚含之有汁即咽却秘方

衆蛇螫灸上三七壯無艾以火頭稱瘡孔大小執灸之

入山草辟衆蛇方

乾薑 麝香 雄黃

右三味等分麝香擣以小絳袋盛帶之男左女右蛇毒塗瘡

集驗方云如無麝香以射罔和帶之  
救急方云以蜜和為膏傳螫處良

又方 常燒羶羊角使煙出蛇則去矣

治蛇螫入瘡已愈餘毒在肉中淫淫痛癢方

大蒜 小蒜 各一

右二味合擣之熱湯淋以汁灌瘡大良

治蛇骨刺人毒痛方

鐵精如大豆內管中吹內瘡中良

又方 燒死鼠末傳之

治虎咬瘡方

煮葛根令濃以洗之十徧飲汁及擣爲散以葛根汁服方寸匕日五甚者夜二

治虎咬瘡方

青布急卷爲繩止一物燒一頭燃內竹筒中注瘡口

熏瘡妙

又方 煮鐵令濃洗瘡

又方 嚼栗子塗之良

辟虎法

凡入山燒水牛羖羊角虎狼蛇皆走

論曰凡見一切毒螫之物必不得起惡心向之亦不得殺之若輒殺之於後必遭螫治亦難差慎之慎之

### 治蠍毒方

凡蠍有雌雄雄者痛止在一處雌者痛牽諸處若是雄者用井底泥塗之溫則易雌者用當瓦屋溝下泥傳之若值無雨可用新汲水從屋上淋下取泥

### 又方

取齒中殘飯傳之又猪脂封之又射罔封之又硃砂和水塗上立愈

### 治蠍螫方

若著手足以冷水漬之水微暖則易之著餘處者冷水浸故布搗之小暖則易

### 又方

生烏頭末唾和傳之

治蜂螫毒方

取瓦子摩其上唾二七遍置瓦子故處

治蜂螫虫方

蜜合五

蠟兩二

猪脂合五

右三味和煎如膏候冷以塗之

又方 燒牛屎灰苦酒和塗之

又方 燒蜂房末膏和塗之後方云先煇蜂房洗之又燒塗之

又方 酥脂塗之立愈

又方 淳酢沃地取起泥塗之

又方 齒垢塗之

又方 嚼鹽塗之

又方 尿泥塗之

又方 以人尿新者洗之



又方 反手捻地上土傳之

論曰凡蠖蝮蟲尿人影著處便令人病瘡其狀身中忽有處  
疹痛如芒刺亦如刺蟲所螫後起細痞癩作聚如茱萸子狀  
也四邊赤中央有白膿如黍粟亦令人皮肉急舉身惡寒壯  
熱劇者連起竟腰脇胷也治之法初得之摩犀角塗之止其  
毒治如火丹法余以武德中六月得此疾經五六日覺心悶  
不佳以他法治不愈又有人教畫地作蠖蝮形以刀子細細  
畫取蠖蝮腹中土就中以唾和成泥塗之再塗即愈將知天  
下萬物相感莫曉其由矣

治蠖蝮尿方

殺羊髭燒灰臘月猪脂和封之

又方 擣豉封之

又方 酢和胡粉塗之

治蠹蝮尿瘡方

燒鹿角為末以苦酒和傳瘡上已有汁者燒道傍弊蒲蓆傳之

又方

槐白皮半斤切以苦酒二升漬半日刮去瘡處以洗日五六遍末赤小豆以苦酒和傳之燥復易小兒以水和

又方 爵大麥以傳之日三

又方 以猪脂鷲窠中土和傳之

又方 熟爵菹菜以水和塗燥復易之

又方 馬鞭草熟擣以傳之燥則易之

又方 取吳茱萸東行根下土酢和塗之

治三種射工蟲毒方

論曰江南有射工毒蟲一名短狐一名蜮其蟲形如甲蟲

云正黑狀如大飛生有一長角在口前如弩擔臨其角端曲如上坂弓以

氣為矢因水勢以射人人或聞其在水中鈸鈸作聲要須得

水沒其口便射人此蟲畏鵝鵝能食之其初始證候先惡寒

噤疹寒熱筋急仍似傷寒亦如中尸便不能語朝旦小蘇晡

夕輒劇寒熱悶亂是其證始得三四日當急治之治之稍遲

者七日皆死初未有瘡但惡寒噤疹其成瘡似蠖蝮尿亦似

癩疽瘡射工中瘡有三種其一種瘡正黑如壓子皮周邊悉

赤或衣犯之如有芒刺痛其一種作瘡久久穿或晡間寒熱

其一種如火灼燦起此者最急數日殺人備急方云有四種其一種突起如癰

治射工中人寒熱或發瘡偏在一處有異於常方

取鬼臼葉一把內苦酒漬之熟搗絞取汁服二升日三

又方

犀角

兩二

升麻

兩三

烏扇根

兩二

右三味咬咀以水四升煮取一升半去滓分再服相去一  
炊頃盡更作

又方

取生吳茱萸莖葉一握斷去前後取握中熟擣以水  
二升煮取七合頓服之

又方

取葫切帖瘡灸七壯

又方

取蜈蚣大者一枚火炙之治末和苦酒以傅瘡上

又方

赤莧菜擣絞取汁一服一升日四五服

又方

白雞屎取白頭者三枚湯和塗中毒處

治射工中人已有瘡者方

取芥子擣令熟苦酒和厚塗瘡上半日痛便止

又方

取狼牙葉冬取根擣之令熟薄所中處又飲四六合汁

治射工中三種瘡方

烏扇根兩三

升麻兩二

右二味以水三升煮得一升適寒温盡服之滓薄瘡上

治江南毒氣惡核射工暴腫生瘡五香散方

甲香

犀角

鼈甲

薰陸香

升麻

烏翬

丁香

青木香

沈香

黃連

甘草

牡蠣

羚羊角

黃芩各四

吳茱萸分三

黃蘗分六

右十六味治下篩中射工毒及諸毒皆水服方寸匕日三

以雞子白和塗腫上乾易之并以水和少許洗之

野葛膏主射工惡核卒中惡毒方

野葛升

茵芋

躑躅

附子

丹砂各一兩

巴豆

烏頭

蜀椒各五

雄黃

大黃各一兩

右十味治下篩不中水猪膏三斤煎三上三下去滓内丹砂雄黄末攪至凝以棗核大摩痛上勿近眼凡合名膏皆不用六畜產婦女人小兒雞犬見之惟須清淨矣

治沙虱毒方

斑猫二枚熬一枚末服之又燒一枚令烟絕末著瘡中

又方

大蒜十枚止一物合皮安熱灰中炮令熱去皮刀斷頭熱拄所著毒處

又方

麝香

大蒜

右二味和擣以羊脂和著小筒中帶欲用取傅瘡上

又方

雄黃

朱砂

恒山

右三味等分五月五日中時童子合之用傅瘡上

山水中陰濕草木上石蛭著人則穿齧人肌膚行人肉中浸

淫墳起如蟲行道治之方

凡行山路草木中常以臘月猪膏和鹽塗脚脛及足指間趺上及著鞋韎蛭不得著人也已著者灸斷其道即愈

治水毒方

論曰凡山水有毒蟲人涉水中人似射工而無物其診法初得之惡寒微似頭痛目匡疼心中煩懊四肢振愀腰背百節皆強兩膝痛或翕翕而熱但欲睡旦醒暮劇手足逆冷至肘膝二三日腹中生蟲食人下部肛中有瘡不痛不癢令人不覺不急治過六七日下部出膿潰蟲上食人五藏熱盛毒煩下利不禁八九日良醫不能治矣覺得之急早視其下部若有瘡正赤如截肉者陽毒最急若瘡如鯉魚齒者爲陰毒猶小緩要皆殺人不過二十日也欲知是中水與非者當作五

六升湯以小蒜五升呔咀投湯中消息勿令大熱去滓以浴之是水毒身體當發赤斑無異者非也當以他病治也

治中水毒方

取梅若桃葉擣絞取汁三升許或乾以少水絞取汁飲之小兒不能飲以汁傅乳頭與喫

又方

擣蒼耳汁服一升又以綿裹杖沾汁導下部日二過即差

又方

蓼一把擣以酒和絞取汁一升服之不過三服外臺肘後作藜葉

又方

藍一把擣水解以塗浴面目身體令徧

又方

擣蛇莓根末水飲之并導下部生者用汁凡夏月行



常多齎此藥屑入水以方寸匕投水上流無所畏又  
辟射工凡洗浴以少許投水盆中即無復毒

治人忽中水毒手足指冷或至肘膝者方

浮萍草燒乾末之酒服方寸匕

又方

吳茱萸升

生薑切半

犀角

升麻

橘皮各二

烏梅枚十四

右六味以水七升煮取二升分二服

治猫鬼野道病歌哭不自白方

五月五日自死赤蛇燒作灰以井花水服方寸匕日

一針灸方在第十四卷中

又方 臘月死猫兒頭灰水服一錢七日二

治猫鬼眼見猫狸及耳雜有所聞方

相思子 革麻子 巴豆各一枚 朱砂末 蠟各四

右五味合擣作丸先取麻子許大含之即以灰圍患人前  
頭著一斗灰火吐藥火中沸即畫火上作十字其猫鬼竝  
皆死矣

治蜘蛛咬人方

人尿傳又油淀傳又炮薑貼之又猢猻屎傳之

又方 烏麻油和胡粉如泥塗上乾則易之

治馬齧人及踰人作瘡毒腫熱痛方

馬鞭梢長二寸 鼠屎二七枚

右二味合燒末以猪膏和塗之文愈外臺方云治遂成瘡爛經久不愈者肘後

方云用馬鞭皮燒末猪膏和塗

治馬齧人陰卵脫出方

推內之以桑皮細作線縫之破烏雞取肝細剉以封  
之且忍勿小便即愈

治犬馬齧及馬骨刺傷人及馬血入舊瘡中方

取灰汁熱漬瘡常令汁器有火數易汁勿令爛人肉  
三數日漬之有腫者炙石熨之日二消止

治馬血入瘡中方

服人糞如雞子復以糞傅瘡上

又方 取婦人月水傅之神良

治剥死馬馬骨傷人毒攻欲死方

便取馬腸中尿以塗之大良臺方云取其尿  
爇灰服方寸匕

治馬汗馬毛入人瘡中腫痛欲死方

以水漬瘡數易水便愈又以石灰傅之

又方 飲法酒法醋時愈

又方 燒雞毛翎末以酒服方寸匕

又方 以沸湯令得所浸洗之取差

論曰凡春末夏初犬多發狂必誠小弱持杖以預防之防而不免者莫出於灸百日之中一日不闕者方得免難若初見瘡差痛定即言平復者此最可畏大禍即至死在旦夕凡狂犬咬人著訖即令人狂精神已別何以得知但看灸時一度火下即覺心中醒然惺惺了了方知咬已即狂是以深須知此此病至重世皆輕之不以為意坐之死者每年常有吾初學醫曾未以為業有人遭此將以問吾吾了不知報答以是經吾手而死者不自此銳意學之一解已來治者皆愈方知世無良醫枉死者半此言非虛故將來學者非止此法餘一方比皆須沈思留心作意慇懃學之乃得通曉莫以粗解一兩種法即謂知訖極自誤也聊因方末申此一二言不盡意耳

又曰凡獠犬咬人七日輒應一發三七日不發則脫也要過

百日乃得免耳每到七日輒當擣韭汁飲之一二升又當終身禁食大肉蠶蛹食此則發死不可救矣瘡未愈之間禁食生魚及諸肥膩冷食但於飯下蒸魚及於肥器中食便發矣不宜飲酒能過一年乃佳

集驗方云若重發者生食蟾蜍鱗絕良亦可燒多食之不必令其人

知初得齧便為之則後不發也

獬犬齧人方  
擣地榆絞取汁塗瘡無生者可取乾者以水煮汁飲之亦可末之服方寸匕日三兼傳之過百日止

又方 頭髮 狷皮

右二味各等分燒灰水和飲一杯口噤者折齒內藥

又方 擣韭絞取汁飲一升日三瘡愈止亦治愈後復發者

又方 以豆醬清塗之日三四

又方 刮虎牙若骨服方寸匕  
小品方云刮狼牙或虎骨末服已發狂如獵犬者服之即愈

治獠犬毒方

燒虎骨傅瘡及熨又微熬杏人擣研取汁服之良又  
取燈盞殘油灌瘡口此皆禁酒猪肉魚生菜

又方

用韭根故梳二枚以水二升煮取一升頓服

又方

蝦蟇灰粥飲服之

又方

桃東南枝白皮一握水二升煮取一升分二服吐出

犬子

又方

服葭芎子七枚日一

又方

取獠犬腦傅上後不復發

又方

梅子末酒服之

治狂犬齧人方

蛇脯一枚灸去頭擣末服五分匕日三

又方 青布浸汁服三升

又方 飲驢尿一二升

又方 擣良岩根和鹽傳日三

凡獠犬所齧未盡其惡血毒者灸上一百壯已後當日灸一壯若不血出刺出其血百日灸乃止禁飲酒猪犬肉

治凡犬齧齒人方

熬杏仁五合令黑碎研成膏傳之

又方 取竈中熟灰以粉瘡中帛裏繫之

又方 以沸湯和灰壅瘡上

又方 燒犬尾末傳瘡日三

又方 燒白死蛇一枚令焦末內瘡孔中

又方 以頭垢少少內瘡中

又方 鼠屎臘月猪膏和傳之檄猪膏煎傳之  
臺方云用鼠一

又方 火炙蠟以灌瘡中

又方

飲生薑汁一升小品方云治狂犬咬韭汁亦佳外臺方云亦治已差後復發者

又方 以熱牛屎塗之佳

又方 以苦酒和灰塗瘡中

又方

水洗瘡任血出勿止之水洗不住取血自止以綿裹之差

治小兒狗齧方

月一日以水一升灌之勿令狗主打狗若月盡日三升水灌之

治猪齧方

松脂煉作餅子貼上



又方 屋雷中泥去塗上

被打第三 論一首  
九十三首

論曰凡被打損血悶搶心氣絕不能言可壁開口尿中令下咽  
即醒又墮落車馬及車輾木打已死者以死人安著以手袖  
掩其口鼻眼上壹食頃活眼開與熱小便貳升

治被打擊頭眼青腫方

炙肥猪肉令熱搗上 肘後方云治血聚  
皮膚間不散者

又方 炙猪肝貼之

又方 新熱羊肉封之

又方 大豆黃末水和塗之

又方 墻上朽骨唾於石上研摩塗之乾即易

治從高墮傷折疾痛煩躁啼叫不得卧方

取鼠屎燒末以猪膏和塗痛上即急裹之 肘後方云又  
裹骨破碎

治從高墮下及為木石所逐或因落馬凡傷損血瘀凝積氣絕欲死無不治之方

取淨土五升蒸令溜分半以故布數重裹之以熨病上勿令大熱恐破肉冷則易之取痛止即已凡有損傷皆以此法治之神效已死不能言者亦活三十年者亦差

治墮車馬間馬鞍及諸物隱體肉斷方

以酢和麩塗之

當歸散治落馬墮車諸傷腕折臂脚痛不止方

當歸

桂心

蜀椒

附子

各二分

澤蘭

芎藭

甘草

五分

右七味並熬令香治下節酒服方寸匕日三凡是傷損皆

服之十日愈小兒亦同

救急方云治墜馬落車被打傷腕折臂叫喚痛聲不絕服此散呼吸

之間不復大痛十  
三日筋骨相連

### 黃耆散治腕折方

黃耆

芍藥各三兩

當歸

乾地黃

附子

續斷

桂心

乾薑

通草

各二兩

大黃

一兩

蜀椒

合

烏頭

兩

右十二味治下篩先食酒服五分匕日三

無千金翼大黃

### 治折骨斷筋方

乾地黃

當歸

羌活

苦參

各二分

右四味治下篩酒服方寸匕日三

### 治腕折骨損痛不可忍者方

以大麻根及葉擣取汁飲一升無生麻煮乾麻汁服

亦主墜墮搗打瘀血心腹滿短氣

### 治被傷筋絕方

宋本缺據元版補刊

取蟹頭中腦及足中髓熬之內瘡中筋即續生

治腕折四肢骨碎及筋傷蹉跌方

生地黄不限多少熟搗用薄所損傷處肘後方去小品方爛搗熬

之以裏傷處以竹編夾裏令遍縛令急勿令轉動一  
日可十易三日差若血聚在折處以刀子破去血

治四肢骨碎筋傷蹉跌方

以水二升漬豉三升取汁服之

又方

酒服鹿角散方寸匕日三肘後方治從高墮下若為  
重物所頓迫得瘀血者

又方 羊腦兩 胡桃脂 髮灰 胡粉各半

右四味搗和調如膏傅生布裏之

又方 筋骨傷初破時以熱馬屎傅之無癥

又方

大豆二升水五升煮取二升以淳酒六七升合和豆

汁服之一日盡如湯沃雪附後方去治墮疔瘰血無大豆用小二豆佳

治頭破腦出中風口噤方

大豆一斗熬去腥勿使太熟搗末熟蒸之氣徧合甑下盆中以酒一斗淋之温服一升覆取汗傳杏人膏

瘡上

治被傷風入四體角弓反張口噤不能言或產婦墮胎凡得此者用紫湯大重者不過五劑方在第八卷中

治被打傷破腹中有瘀血方

蒲黃升 當歸 桂心略二

右三味治下篩以酒服方寸匕日三夜一

又方

劉寄奴 延胡索 骨碎補略一

右三味以水二升煎取七合復內酒及小便各二合

熱温頓服

又方

生地黄汁三升酒一升半煮取二升七分合分三服後

方治從高墮下瘀血脹  
心面青短氣欲死者

又方 未莨苕子傳瘡上

又方

蟻蟲

蜜蟲

水蛭 各三枚

桃人 五十枚

桂心 二兩

大黃 五兩

右六味咬咀以酒水合五升煮取三升分五服

治被打腹中瘀血并治婦人瘀血消之為水白馬蹄散方

白馬蹄燒令煙盡擣篩酒服方寸匕日三夜一

治有瘀血者其人喜忘不欲聞人聲胸中氣塞短氣方

甘草 兩

茯苓 兩

杏仁 五十枚

右三味呔咀以水二升煮取九合分二服

治被毆擊損傷聚血腹滿煩悶方

豉一升以水三升煮三沸分再服不差重作更取麻子煮如豉法不差更作豉如上法

治丈夫從高墮下傷五藏微者唾血甚者吐血及金瘡傷經崩中皆主之方

阿膠

艾葉

乾薑略二

芍藥兩三

右四味呔咀以水八升煮取三升去滓內膠令消分二服  
羸人三服兼治女人產後崩傷下血過多虛喘腹中絞痛下血不止者服之悉愈

治男子傷絕或從高墮下傷五藏微者唾血甚者吐血及金瘡傷經者大膠艾湯方

阿膠兩

乾地黃

芍藥略三

艾葉

甘草

當歸

芎藭各二兩

乾薑一兩

右八味咬咀以水八升煮取三升去滓內膠令烊分再服  
羸人三服此湯治婦人產後崩傷下血過多虛喘欲死腹  
中激痛下血不止者神良

治墮馬落車及樹崩血腹滿短氣方

大豆五升以水一斗煮取二升去豆一服令盡劇者  
不過三作

治腹中瘀血痛在腹中不出滿痛短氣大小便不通方

荆芥半分

麝蟲三十枚

大黃

芎藭各三兩

蒲黃五兩

當歸

桂心

甘草各二兩

桃人三十枚

右九味咬咀以水一斗煮取三升分三服

桃人湯治從高墮下落大木車馬曾腹中有血不得氣息方

桃人十四枚

大黃

消石

甘草各一兩



蒲黃半兩 大棗十枚

右六味咬咀以水三升煮取一升絞去滓適寒溫盡服之  
當下下不止漬麻汁一椀飲之即止

治墮落瘀血桃人湯方

桃人五十枚 大黃兩四 芒消兩三 桂心 當歸

甘草各二兩 蜜蟲 水蛭各二枚

右八味咬咀以水八升煮取三升絞去滓適寒溫服一升

日三服深師方無芒消

治瘀血湯方

大黃兩五 桃人五十枚 蜜蟲 蟻蟲

水蛭各三枚 桂心兩二

右六味咬咀以酒水各五升合煎得三升適寒溫飲一升

日三服

竹皮湯治為兵杖所加木石所迫血在曾背及脇中痛不  
得氣息方

青竹刮取筴雞子大二枚

亂髮雞子大二枚

右二味於炭火炙令焦燥合擣之下篩以酒一升煮之三  
沸止一服盡之三服愈

治腕折瘀血方

大黃

如指節大一枚

桃人

四十一枚

亂髮

一握

右三味以布方廣四寸以繞亂髮燒之吹咀大黃桃人以  
酒三升煮取一升盡服之血盡出

肘後云仲景方用大黃三兩緋帛子如手大黃

亂髮如雞子大交久用炊單布方一尺大桃人肆拾枚  
敗蒲蓆一握長三寸切甘草一枚如指大以童子小便量

多少煎湯成內酒一大盞次下大黃分溫為三服別剉敗  
蒲蓆半領煎湯以浴衣被密覆服藥須通利數行痛楚立

差利及浴水赤  
勿恠即瘀血也

又方

大黃

兩六

桂心

兩二

桃人

六十枚

右三味咬咀以酒六升煮取三升分三服當下血差

治從高墮下有瘀血方

蒲黃

兩八

附子

兩一

右二味為末酒服方寸匕日三不知增之以意消息

從高墮下崩中方

當歸

大黃

各二分

右二味治下篩酒服方寸匕日三

治墮落車馬心腹積血唾吐無數方

乾藕根末以酒服方寸匕日三如無取新者擣汁服

治腕折瘀血蒲黃散方

蒲黃

升一

當歸

兩二

右二味治下篩先食酒服方寸匕日三

治腕折瘀血方

蜜蟲二十枚

牡丹一两

右二味治下篩酒服方寸匕血化為水

備急方去治久宿血在諸骨節及外

不去者二味等分

又方 菴藺草汁飲之亦可服子

又方

凡被打及產後惡血及一切血皆煮續骨木汁三升

飲之

治杖瘡方

石灰一斤

新猪血斗

右二味和為丸熟燒之破更丸燒三徧止末傅之

又方 服小便良

又方 釜月下土細末油和塗羊皮上卧之

治竹木刺在皮中不出方

羊屎燥者燒作灰和猪脂塗刺上若不出重塗乃言不覺刺出時一云用乾羊屎末

治久刺不出方

服王不留行即出兼取根末貼之

治刺在人肉中不出方

煮山瞿麥汁飲之日三差止

又方

用牛膝根莖生者併擣以薄之即出瘡雖已合猶出也

又方 温小便漬之

又方 嚼豉塗之

又方 嚼白梅以塗之

肘後方用烏梅

又方 白茅根燒末以膏和塗之亦治瘡因風致腫

又方 燒鹿角末以水和塗之立出久者不過一夕  
治竹木刺不出方

薔薇灰水服方寸匕日三十日刺出

又方 燒鑿柄灰酒服二寸匕

又方 酸棗核燒末服之

又方 頭垢塗之即出

治惡刺方

苦瓠開口內小兒尿煮兩三沸浸病上

又方 苕芎根水煮浸之冷復易神方

又方 濃煮大豆汁漬取差

又方 李葉棗葉擣絞取汁點之即效

治惡刺并狐尿刺方

以烏父驢尿漬之

又方 白馬尿溫漬之

凡因瘡而腫痛劇者數日死或中風寒或中水或中狐尿刺治之方

燒黍穰若牛馬屎若生桑條取得多煙之物燒熏汁出愈

又方 熱螭肉瘡中新瘡亦善

又方

以鳧公英草摘取根莖白汁塗之惟多塗為佳差止余以貞觀五年七月十五日夜左手中指背觸着庭樹至曉遂患痛不可忍經十日痛日深瘡日高大色如熟小豆色嘗聞長者之論有此治方試復為之手下則愈痛亦即除瘡亦即差不過十日尋得平復此大神效故疏之蜀人名耳癩菜關中名苟乳

治瘡中水腫方

炭白灰胡粉等分脂和塗瘡孔上水出痛即止

治卒刺手足中水毒方

擣韭及藍青置上以火炙熱徹即愈

治瘡因風致腫方

櫟木根皮一斤濃煮內鹽一把漬之

治破傷風腫方

厚塗杏仁膏然麻燭遙炙之

凡因瘡而腫痛者皆中水及中風寒所作其腫入腹則殺人  
治之方

溫桑灰汁漬冷復溫之常令熱神秘

治刺傷中風水方

刮箭羽下漆塗之



又方 燒魚目灰傅之

又方 服黑牛熱尿一服二升三服即止

又方 煮韭熟搗之

又方 蠟一兩熱炙熨薄裏上令水出愈

凡八月九月中刺手足犯惡露腫殺人不可輕也治之方

生桑枝三枚內燂灰中推引之令極熱斫斷正以頭  
柱瘡口上熱盡即易之盡三枚則瘡自爛仍取薤白  
擣綿裹著熱灰中使極熱去綿取薤白薄瘡上以布  
帛急裹之若有腫者便取之用薤白第一佳

治漆瘡方

生柳葉三斤以水一斗五升細切煮得七升適寒溫

洗之日三

肘後方云煮柳皮尤妙

又方 以磨石下滓泥塗之取差止大驗

又方 蓮葉燥者一斤以水一斗煮取五升洗瘡上日再

又方 貫衆治末以塗上乾以油和之即愈

又方 羊乳汁塗之

又方 芒消五兩湯浸以洗之

又方 礬石著湯中令消洗之

又方 七姑草擣封之救急方云七姑草和芒消塗之

又方 取猪膏塗之

又方 宜散猪肉嚼糝穀塗之

又方

濃煮鼠杳葉以洗漆上亦可擣葉取汁以塗之

火瘡第四論法二首 方七十三首

論曰凡火燒損慎以冷水洗之火瘡得冷熱氣更深轉入骨壞人筋骨難差初被火燒急更向火炙雖大痛強忍之一食

久即不痛神驗治火燒悶絕不識人以新尿冷飲之及冷水和蜜飲之口噤絞開與之然後治之方

梔子枚四十

白斂

黃芩略五

右三味咬咀以水五升油一升合煎令水氣歇去滓冷之以淋瘡令溜去火熱毒則肌得寬也作二日任意用膏傳湯散治之

治火瘡敗壞方

柏白皮

生地黄

蛇銜

黃芩

梔子人

苦竹葉略一

右六味咬咀以羊髓半升煎之三上三下去滓塗瘡上差止

治火爛瘡膏方

柏白皮兩四

竹葉

甘草略二

右三味咬咀以猪脂一斤半煎三上三下去滓冷以傳之

集驗方用生  
地黃四兩

又方 榆白皮嚼熟塗之

治火燒瘡方

死鼠頭一枚臘月猪膏煎令消盡以傅乾即傅差不  
作癩神効亦治小兒火瘡

又方 丹參無多少以羊脂猪髓腦煎

治火瘡敗壞方

柏白皮切以臘月猪膏合淹相得煮四五沸色變去

滓傅瘡上後方云  
槲白皮

治火瘡方

末熬油麻和梔子人塗之惟厚為佳已成瘡者燒白  
糖灰粉之即燥立差

治一切湯火所傷方

千金方二十五  
初著即以女人精汁塗之差

治湯沃人肉爛壞方

杏仁

附子各二兩

甘草兩一

羊脂兩五

松脂雞子大

右五味咬咀以不中水猪膏五兩煎塗之

灸及湯火所損晝夜啼呼止痛滅癩方

羊脂

松脂各二兩

猪膏

蠟各一兩

右四味取松脂破銚中切脂嚼蠟著松明上少傾微火燒

諸物皆消以盃承汁傳松明是肥松木節也

治灸瘡方

甘草

當歸各一兩

胡麻臺用

羊脂各六兩

右四味咬咀以猪膏五合煎去滓傳之

又方 凡灸瘡不差日別灸上六七壯自差

又方

松脂兩五

蠟兩三

右三味合煎塗紙貼之日三

又方 塗車軋脂

又方

石灰一兩細末絹篩猪脂和相得微火上煎數沸以  
煖湯先洗瘡訖以布裹灰熨瘡上三過便以藥貼瘡  
上灸之又擣薤傳之

治灸瘡痛腫急方

擣竈下黃土以水和煮令熱漬之

治灸瘡薤白膏生肉止痛方

薤白貳兩

羊髓壹斤

當歸貳兩

白芷壹兩

右四味咬咀合煎以白芷色黃藥成去滓取傳之日三  
灸瘡膿壞不差方

臘月猪脂壹斤

薤白壹握

胡粉壹兩

右三味先煎薤白令黃去之綿裹石灰一兩煎數沸去之  
入胡粉內膏中令調塗故布貼之日三

又方 白蜜 壹兩

烏賊骨 貳枚 壹方 壹兩

右二味相和塗之

治灸瘡中風冷腫痛方

但向火灸之瘡得熱則瘡快至痛止日六七灸愈

治針灸瘡血出不止方

燒人屎灰以傅之

又方 死蜚蠊末猪脂塗之

論曰治金瘡者無大小冬夏及始初傷血出便以石灰厚傅  
裹之既止痛又速愈無石灰亦可用若瘡甚深未宜速合  
者內少滑石令瘡不時合也凡金瘡出血其人必渴當忍之  
噉燥食并肥脂之物以止渴慎勿鹹食若多飲粥及漿犯即

血動溢出殺人又忌嗔怒大言笑思想陰陽行動作勞多  
食酸鹹飲酒熱羹臠輩瘡差後猶爾出百日半年乃可  
復常也治金瘡大散方

五月五日平旦使四人出四方各於五里內採一方  
草木莖葉每種各半把勿令漏脫一事日正午時細  
切碓擣并石灰極令爛熟一石草斷一斗石灰先鑿  
大實中桑樹令可受藥取藥內孔中實築令堅仍以  
桑樹皮蔽之以麻擣石灰極密泥之令不泄氣又以  
桑皮纏上之使牢至九月九日午時取出陰乾百日藥  
成擣之日暴令乾更擣絹篩貯之凡一切金瘡傷折  
出血登時以藥封裏治使牢勿令動轉不過十日即  
差不腫不膿不畏風若傷後數日始得藥須煖水洗  
之令血出即傅之此藥大驗平生無事宜多合之以



備倉卒金瘡之要無出於此雖突厥質汗黃末未

能及之時後方云用百草心五月五日作七月七日出

### 治金瘡方

燒乾梅作炭擣末之傳一宿即差亦治被打傷

又方 磁石末傳之止痛斷血

又方 桑白汁塗桑白皮裏或石灰封之妙

又方 麻葉三斤以水三升熟煮取二升半為一服

又方 飲麻子汁數升小品方治毒箭所傷

又方 蚯蚓屎以水服方寸匕日三

又方 杏仁石灰細末猪脂和封亦主犬馬金瘡止痛大良

地黃膏治金瘡火瘡灸瘡不能差方

生地黃切壹升搗絞取汁三合 薰陸香 松脂各貳兩 羊腎脂伍合煎

烏麻油貳升 杏仁 蠟各貳兩 石鹽壹兩研如粉

右八味先下蠟微火令消次內羊脂令消次下油次下松脂令消冷下杏人次下薰陸次下地黃汁次下石鹽以微火煎之令地黃汁水氣盡以綿濾停疑一切諸瘡初傷皆傳之曰三夜二慎生冷猪肉雞魚此膏治瘡法先食惡肉不著痂先從內差乃至平復無痂不畏風不膿大大要妙治金瘡血出不止方

煮桑根十沸服一升即止

又方 柳絮封之

又方 擣車前汁傳之血即絕連根收用亦效

又方 以人精塗之

又方 飲人尿三升愈

又方 以蜘蛛幕貼之血即止

治驚瘡血出不止方

取葱葉炙取汁塗瘡上即止若為婦人所驚者取婦  
人中衣火炙令熱以熨瘡上

又方

取豉三升漬熱湯食頃絞去滓內蒲黃二合頓服之  
及作紫湯方在產婦中

又方

蒲黃斤一

當歸兩二

右二味治下篩酒服方寸匕日二服

治金瘡腹中瘀血二物湯方

大麻子并三

大葱白枚二十

右使數人各擣令熟著九升水煮取一升半頓服之若血  
出不盡腹中有膿血更合服當吐膿血耳

治金瘡出血多虛竭內補散方

茯苓

甘草

芍藥

酪四

蜀椒

兩三

乾薑

兩二

當歸

芎藭

桂心

黃芩

人參

厚朴

吳茱萸 白及

佶 今錄驗 桑白皮

黃耆各一兩

右十四味治下篩以酒服方寸匕日三

又方

當歸

三兩

芍藥

五分

乾薑

三分

辛夷

五分

甘草

二分

右五味治下篩酒服方寸匕日三夜一

治金瘡內漏方

還自取瘡中血著掙中水和服愈

又方

七月七日麻勃

兩

蒲黃

兩

右二味酒服一錢匕日五夜二

治金瘡內漏血不出方

牡丹皮為散水服三指撮立尿出血

治金瘡內塞散方

千金方卷之二十五  
黃耆

當歸

芍藥

白芷

乾薑

黃芩

芍藥

續斷略二

附子兩

細辛兩一

鹿茸兩三

右十一味治下篩先食酒服五分匕日三稍增至方寸匕

治金瘡煩滿方

赤小豆一升以苦酒漬之熬令燥復漬滿二日令色

黑服方寸匕日三

治金瘡苦痛方

楊木白皮熬令燥末之服方寸匕日三又末傅瘡中愈

凡金瘡若刺瘡瘡痛不可忍百治不差者方

葱一把以水三升煮數沸漬洗瘡止痛良

治金瘡煩痛大便不利方

大黃 黃芩

右二味等分末之蜜和先食服如梧桐子十九日三

治金瘡破腹腸突出欲令入方

取人屎乾之以粉腸即入矣

治金瘡中筋骨續斷散方

續斷兩五

乾地黄

細辛

蛇銜

地榆兩四

當歸

芎藭

芍藥

菝葜

兩三

人參

甘草

附子兩各一

乾薑

蜀椒

桂心兩半

右十五味治下篩酒服一方寸匕日三

治被傷腸出不断者方

翻後方云治腸出欲爛而草土著腸者

作大麥粥取汁洗腸推內之常研米粥飲之二十日

稍稍作強糜百日後乃可差耳

治金瘡腸出方

磁石

滑石

鐵精兩三

右三味末粉腸上後用磁石米飲服方寸匕日五夜三腸  
即入

治金瘡血不止令唾之法

呪曰某甲今日不良爲其所傷上告天皇下告地王  
清血莫出濁血莫揚良藥百裏不如熟唾日二七痛  
唾之即止

又法

我按先師本法男師在左女師在右上白東王公下  
白西王母北斗七星黃姑織女請制水之法清旦明  
呪不痕不膿不疼不痛羅肺得肺羅肝得肝羅肉得  
肉不任軀姥儂夫自來小兒爲日不吉不良某甲爲  
刀斧槩箭熊虎湯火所傷三唾三呵平復如故急急  
如律令此法不復須度受但存念稽急歆誦之非止

治百毒所傷亦治癰疽隨所患轉後語呼之良驗一  
切瘡毒並皆用之

治金瘡矢在肉中不出方

白斂 半夏

右二味等分治下篩酒服方寸匕日三淺瘡十日出深瘡  
二十日出終不住肉中

治箭鏃及諸刀刃在咽喉曾膈諸隱處不出者方

牡丹皮

白鹽

二分肘後  
作白斂

右二味治下篩以酒服方寸匕日三出

又方 取栝樓汁塗箭前瘡上即出

又方 酒服瞿麥方寸匕日三差

治卒爲弓弩矢所中不出或肉中有聚血方

取女人月經布燒作灰屑酒服之



治卒被毒矢方

擣藍汁一升飲之并薄瘡上若無藍取青布漬絞汁飲之并淋瘡中鏃不出擣死鼠肝塗之鼠腦亦得

又方 內鹽臍中灸之

又方 煎地黄汁作丸服之百日矢當出

又方 煮蘆根汁飲三升

又方 多飲葛根汁并治一切金瘡

治中射罔箭方

藍子五 升麻八 甘草 王不留行各四

右四味治下篩冷水服二方寸匕日三夜二又以水和塗

瘡乾易之

治毒箭所中方

末雄黃傅之當沸汁出愈